

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-02-028/22**
Mostar, 22.02.2022. godine

IZVOD IZ ZAPISNIKA
sa dvanaeste (XII) vanredne sjednice Skupštine
Hercegovačko-neretvanskog kantona

Sjednica je održana dana 22.02.2021. godine u sali Centra za kulturu u Mostaru sa početkom rada u 11:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Slavko Bilić, Marija Bošković, Stana Burić, Damir Džeba, Elvedin Grcić, Julineta Jurić, Tomislav Martinović, Ivan Odak, Andrea Pehar, Milica Pehar, Amir Šelo, Šerif Špago, Minela Krpo, Iva Raguž, Vesna Saradžić, Selma Drljević, Đuro Prkačin, Irma Memidžan, Vera Konjevod, Ismet Lulić, Mejrima Hasić, Nermin Vrtić i Alisa Hajdarović.

Odsutni: Edis Džino, Dejan Kvesić, Slaven Raguž, Zora Dujmović, Ajdin Teletović i Aner Žuljević.

Konstatovano je da je na sjednici prisutno **24** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija, predstavnici sredstava javnog informisanja, predstavnici javnih zdravstvenih ustanova u HNK i predstavnici ZZO HNK.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Predsjedavajući Skupštine HNK Šerif Špago obavijestio je zastupnike da je na inicijativu 13 zastupnika Skupštine HNK, Kolegij Skupštine zakazao 12. vanrednu sjednicu Skupštine HNK-a i predložio da tačka dnevnog reda bude:

1. Informacija o stanju u zdravstvu HNK-a i realizaciji zaključaka Skupštine HNK-a broj 02-01-11-299/15 od 15.12.2015. godine, a koji su objavljeni u Službenim novinama HNK-a broj 10/15.

Otvorena je rasprava po prijedlogu dnevnoga reda.

U raspravi nije nitko učestvovao.

Obavljeno je glasanje po predloženom dnevnom redu XII. vanredne sjednice Skupštine HNK.

Nakon glasanja konstatovano je da je dnevni red XII. vanredne sjednice Skupštine HNK jednoglasno usvojen.

AD 1. Informacija o stanju u zdravstvu HNK-a i realizaciji zaključaka Skupštine HNK-a broj 02-01-11-299/15 od 15.12.2015. godine, a koji su objavljeni u Službenim novinama HNK-a broj 10/15.

Obrazloženje je dao Goran Opsenica ministar zdravstva, rada i socijalne skrbi Hercegovačko-neretvanskog kantona.

U ime predlagača inicijative vezano za zahtjev za održavanje XII. vanredne sjednice obrazloženje je dala zastupnica Vesna Saradžić.

Ispred Zavoda zdravstvenog osiguranja HNK obrazloženje je dao Rade Bošnjak direktor Zavoda zdravstvenog osiguranja HNK.

Otvorena je rasprava.

U raspravi su učestvovali: Ismet Lulić, Amir Šelo, Minela Krpo, Marija Bešker, Elvedin Grcić, Ivan Odak, Đuro Prkačin, Andrea Pehar, Vesna Saradžić, Damir Džeba, Nermin Vrtić, Slavko Bilić, dr. Dženan Lepara direktor Opće bolnice Konjic, Marija Buhač rukovoditeljica Sektora za zdravstvo u Zavodu zdravstvenog osiguranja.

Usljedila je **pauza** od 30 minuta.

Nakon pauze nastavljena je rasprava o tački dnevnog reda u kojoj su učestvovali: Tomislav Martinović, direktorica Doma zdravlja Konjic doktorica Jasminka Hrvačić-Brkan, dr. Kristina Bevanda ravnateljica Doma zdravlja Mostar, Ismet Lulić, Edin Kapetanović direktor Doma zdravlja Stari Grad, dr. Zlatko Guzin direktor Kantonalne bolnice „Dr. Safet Mujić“, Pero Pavlović ravnatelj Doma zdravlja Neum, Elvedin Grcić i Šerif Špago.

Zastupnica **Andrea Pehar** uputila je slijedeće prijedloge:

- 1. Da se u liječnički karton, odnosno zdravstvenu iskaznicu upisuje krvna grupa pacijenata.*
- 2. Da jedinice lokalne samouprave u HNK osiguraju plaćanje premije osiguranja tzv.markice za sve korisnike stalne socijalne novčane pomoći.*

Direktorica Doma zdravlja Konjic doktorica **Jasminka Hrvačić-Brkan** uputila je slijedeće prijedloge:

- 1. Da dug Opšte bolnice koji je preuzeo Dom zdravlja za period od 2008-2016 preuzme osnivač bolnice jer su Federalnim zakonom o konsolidaciji obuhvaćene samo bolnice.*
- 2. Da ZZO poveća tranšu Domu zdravlja Konjic po Ugovoru za 30% za 2022. godinu, a Dom zdravlja će u narednih 3 godine zbog odlaska u penziju smanjiti broj uposlenih za 35. radnika, te će se i sa manjim povećanjem tranše u narednim godinama moći isplaćivati doprinosi za uposlenike.*

Zamjenik predsjedavajućeg Skupštine HNK **Tomislav Martinović** uputio je slijedeći prijedlog:

- 1. Pozivaju se općine i gradovi u HNK da više participiraju u sufinansiranju ustanova koje su oni osnovali.*

Zastupnik **Elvedin Grcić** je ispred **Kluba zastupnika SDA** u Skupštini predložio slijedeće Zaključke:

- 1. Zadužuje se nadležno ministarstvo i Vlada HNK-a da u roku od 30 dana izvrši analizu realizacije zaključaka Skupštine i dostavi detaljan izvještaj po zdravstvenim ustanovama, sa posebnim osvrtom na zapošljavanje gdje se jedinice lokalne samouprave iz kantona pojavljuju kao osnivač, zatim kanton kao osnivač ili suosnivač, i to po strukturi radnih mjesta medicinskog i nemedicinskog kadra za period 2016.-2021., zaključno sa 31.12.2021.*

2. Zadužuje se ZZO da u roku od 30 dana dostavi jasne kriterije i podatke po kojima su zaključeni ugovori za finansiranje svih zdravstvenih ustanova nakon stupanja na snagu Federalnog zakona o finansijskoj konsolidaciji javnih zdravstvenih ustanova u Federaciji i restrukturiranju zdravstvenih ustanova u Federaciji

3. Zadužuje se Vlada HNK-a i osnivači da u roku od 30 dana pripreme prijedlog propisa kojim bi se definisala konsolidacija dugovanja po osnovu poreskih obaveza zdravstvenih ustanova koje eventualno nisu obuhvaćene federalnim zakonom.

4. Pozivaju se jedinice lokalne samouprave u kantonu da učestvuju u finansiranju zdravstvenih ustanova kojima su osnivači.

5. Zadužuje se resorno ministarstvo, odnosno Vlada HNK-a, za izradu strategije razvoja zdravstva u kantonu za narednih 7 godina, dali samostalno ili u saradnji sa drugim kantonima ili Federacijom.

Predsjedavajući Skupštine HNK Šerif Špago je nakon konsultacija s Kolegijem Skupštine HNK **iznio stav Kolegija kojim se obavezuje da će se uz konsultacije sa radnim tijelima, predlagačem i sa ljudima iz zdravstvenih ustanova pripremiti prijedlog zaključaka, koji će se ponuditi Skupštini HNK-a na usvajanje te da će to biti prva naredna sjednica koja će biti održana do 15.03. 2022. godine.**

Sjednica je završena u 16:00 sati.

Zapisničar
Dario Topić

Predsjedavajući
Šerif Špago